



Uunga

Peter Olsen

Inatsisartunut ilaasortaq

Inuit Ataqtigiit

24-01-2018

Suliap nr.: 2018 - 1624

Akt. id. 7072644

Postboks 260

3900 Nuuk

Oqarasuaat (+299) 34 50 00

Naqitanik nassitsigasuaat +299

34 66 66

Mail: iniian@nanoq.gl

www.naalakkersuisut.gl


Illoqarfinni eqqissiviilliorfiusuni meeqqanut tunngatillugu § 37 naapertorlugu apeqqutip nr. 2018-010-p akineqarnera

Asasara Peter Olsen

Illoqarfinni eqqissiviilliorfiusuni meeqqanut tunngatillugu apeqqutigisannut qujanaq.

- 1. Illoqarfiit tallimat sorliit angerlarsimaffinni meerartaqarfiusuni eqqissiviilliorfiunerpaasarnersut Naalakkersuisut taasaqarsinnaanerpat? Aappiup-pat taava illoqarfiit tallimat sorliit angerlarsimaffinni meerartaqarfiusuni eqqissiviilliorfiunerpaasarpat? Uani unnukkut unnuakkullu angerlarsimaf-finna meerartalinni eqqissiviilliorfiusartut eqqarsaatigaakka..**

Politiit 2016-imut ukiumoortumik kisitsisitigut naatsorsuineranni ersersinneqarpoq politiit nuna tamakkerlugu illunut eqqissiviilliorfiusunut meeqqanik najuuffigineqartunut 331-eriarlutik, meeqqanillu najuuffigineqanngitsunut 1916-eriarlutik orniguttarsimasut. Politiit 2016-imut ukiumoortumik kisitsisitigut naatsorsuineranni tullinguuttuni takussutissaq aamma takuneqarsinnaavoq, tassaniippullu illoqarfinnut agguataarlugu illuni eqqissiviilliornerit tamarmiusut:



Titartagartaliussami takuneqarsinnaavoq 2016-imi Nuummi eqqissiviilliornermut amerlanerpaanut politiit orniguttarsimasut. Tamatuma kingorna Tasiilaq Sisimiut, tulliullutillu Aasiaat, Ilulissat aamma Qaqortoq. Takussutissami iluamik ersersinneqanngilaq illoqarfinni kingullertut taaneqartuni sorleq eqqissiviilliorfiunerpaajusimanersoq. Ukiumoortumik kisitsisitigut naatsorsuinerni illoqarfinnut agguataarlugu eqqissiviilliornerit meeqqanik akuuffiusut paasissutissiissutigineqanngillat.

2. Illoqarfinni tallimaasuni, illoqarfimmi ataatsimi "Unnuarissanik" pingasunik, katillugulu 15-nik atorfinnik sisamanngornermiit arfininngornermut al. 20.00.-ip 08.00-illu akornanni pilersitsisoqassagaluarpat, tamanna nunatta karsianut qanoq naleqassava? Akissaatinut tunngatillugu isumaginninnermut siunnersortit ulloq unnuarlu angerlarsimaffiusuni akissaataasut najoqqutaralugit.

Unnuarissat pisortat oqartussaasuinit pilersitaanngillat. Unnuarissat kiffaanngissuseqarluni sulinissaq tunngavigalugu piumassuseq malillugu sulerusuttunut aqqissuussaavoq, najukkanilu pingaartumik meeqqanut inuusuttunullu toqqissisimanissaq pingaartillugu akisussaassuseqarluni, isumassuiffiulluni pinaveersaartitsiffiullunilu tamat najortagaanni suleqatigiit unnuarissat takussaasarput.

Unnuarissat Nuummi immikkoortortaqaarput. Unnuarissat piumassuseq tunngavigalugu inersimasunik akisussaassuseqartunik inuttaqaarput, qaatiguullu sungaartut atorlugit saapatip akunnerisa naaneranni aqqusinerne takussaasartut. Nuummi Unnuarissat nittartaagaanni erseqqissarneqarpoq unnuarissat inunnik isumaginninnikkut pisortat suliaasaanik suliaqarneq ajortuusut.

Unnuarissat akissarsiaqartitaallutik apeqqutigineqartumut tunngatillugu siunnersuut naatsorsuiffigineqanngilaq. 2.

3. Illoqarfinni tallimaasuni (eqqissiviilliorfiunerpaasartuni) meeqqat unnuakkut eqqissiviilliorinneqartartut qimarnguissaattut meeqqeriviit sisamanngornermiit arfininngornermut unnuakkut 20.00.-miit ullaakkut 08.00.-ip tungaanut ammatinneqartalissagaluarpata tamanna nunatta karsianut qanoq naleqassava?

Apeqqutigineqartup matuma akineqarnissaanut paasissutissanik Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfimmut piniartoqarsimavoq.

Ilinniartitaanermut Aqutsisoqarfik kommunini ingerlatsivinnut paasiniaasimavoq, paasissutissallu pissarsiarineqartut tunngavigalugit periarfissanik sisamanik tulleriarisimalluni. Periarfissanili akissarsiarinneqartussanut immikkut aningaasartuutaasussat kisimik pineqarput.

Illoqarfinni tallimani immikkut ammatitsisarnissami aningaasartuutissat:

Periarfissaq 1: Ilinniagaqanngitsut marluk SIK malillugu akissarsiaqartitat 1,5 mio. kr.-nit missaannik akeqassapput.

Periarfissaq 2: Ilinniagaqanngitsut pingasut SIK malillugu akissarsiaqartitat 2,25 mio. kr.-nit missaannik akeqassapput.

Periarfissaq 3: Perorsaasut ilinniarsimasut marluk 2,33 mio. kr.-nit missaannik akeqassapput.

Periarfissaq 4: Perorsaasut ilinniarsimasut pingasut 3,49 mio. kr.-nit missaannik akeqassapput.

Avannaata Kommuniani Inunnik Isumaginnittoqarfik nalunaarpoq kommuni siunertamut taaneqartumut ornittagaateqarlutik. Ilulissani ornittagaq ataasinngornermiit sisamanngornermut nal. 16-imiit 22.00-ip aamma tallimannngornermiit nal. 16-imiit arfininngornermut nal 9.00-ip kiisalu arfininngornermiit nal. 16-imiit sapaammi nal. 12-ip tungaanut ammasarpoq.

Inussiarnersumik inuulluaqqusillunga

Sara Olsvig

Isumaginninnermut, Ilaqtariinnermut, Naligiissitaanermut Inatsisinillu Atuutsitsinnermut Naalakkersuisoq